

Samfélagsspor Arnarlax árið 2021



26. apríl 2022





Efnisyfirlit

01 Samfélagsspor

03 Samantekt

05 Skattar tengdir launagreiðslum

07 Gjöld til umhverfissjóðs

09 Aðrir skattar/ og styrkir

02 Um Arnarlax

04 Tekjuskattur

06 Mótframlag í lífeyrissjóði

08 Auðlindagjald

10 Ýmsar vottanir

01 Samfélagsspor

Hvað er samfélagsspor?

Samfélagsspor er samantekt fyrir fyrirtæki til að sýna með einföldum hætti framlag þeirra til samfélagsins, m.a. í formi skatta og opinberra gjalda.

Um er að ræða stutta samantekt sem veitir upplýsingar um það hvaða skatta og gjöld fyrirtækið greiðir. Jafnframt eru settar fram aðrar upplýsingar sem talið er að auki skilning á þeim virðisauka sem fyrirtækið skapar með rekstri sínum.

Umfjöllun um skattgreiðslur fyrirtækja í fjölmiðlum getur falið í sér þá áhættu að hlutir geta verið teknir úr samhengi eða ofuráhersla lögð á einstaka gjöld eða skatta. Með samfélagsspori er gefin heildstæð mynd af öllum sköttum og gjöldum sem renna til opinberra aðila í einni samantekt.

Með skýrslu um samfélagsspor er hægt að öðlast góða yfirsýn yfir skatta og gjöld. Hægt er að nota skýrsluna til að veita almenningi innsýn í skattaumhverfi viðkomandi fyrirtækis og jafnframt til þess að bregðast hratt við fyrirspurnum einstaklinga eða fjölmiðla eða vegna mögulegs óskýrleika í opinberri umræðu.

Upplýsingarnar í skýrslunni geta einnig verið þáttur í innri upplýsingagjöf og komið að notum við gerð viðskiptaáætlana auk þess sem skattgreiðslur kunna að gefa stjórnendum samanburðarupplýsingar um innri hlutföll í rekstri fyrirtækisins á milli ára.

Upplýsingar sem settar hafa verið fram í þessari skýrslu um samfélagsspor Arnarlax byggja á ársreikningum samstæðunnar, yfirlitum og upplýsingum frá opinberum aðilum og öðrum gögnum frá stjórnendum Arnarlax.




02 Um Arnarlax

Arnarlax var stofnað árið 2009 af hópi fólks sem sá tækifæri í að nýta skjólgóða firði og hreinan sjó til að ala fyrsta flokks lax. Í upphafi var fyrirtækið að mestu fjölskyldurekið en fagfjárfestar komu að síðar í ferlinu. Arnarlax fékk fyrsta framleiðsluleyfið árið 2012 og árið 2014 var fyrsti fiskur settur í kvíar. Árið 2015 bættist SalMar ASA í hóp hluthafa í Arnarlaxi og árið 2019 jókst eignarhlutur þess í yfir 50%. Það hefur krafist umtalsverðar þekkingar að byggja upp laxeldi á Íslandi en með aðstoð frá SalMar hefur Arnarlax fengið sterkan stuðning frá hluthöfum félagsins. Sérfræðipekking SalMar á fiskeldi hefur hjálpað Arnarlaxi að ná þroska og stöðugleika í eldi á styttri tíma en ella.

Framleiðslutími frá hrogni til fyrstu uppskeru er að meðaltali þrjú ár. Í lok árs 2016 var fyrsta uppskera Arnarlax og þar með fyrsti sölureikningur fyrirtækisins gefinn út. Í júní 2016 keypti Arnarlax félagið Fjarðalax og við það varð fyrirtækið leiðandi í íslensku fiskeldi. Dótturfélögin Fjarðalax og Bæjarvík voru sameinuð í Arnarlaxi á árinu 2020. Þá var nafni móðurfélagsins Arnarlax AS breytt í Icelandic Salmon AS og félagið skráð á Euronext Growth markaðinn í norsku kauphöllinni. Árið 2021 fjárfesti Arnarlax í tveimur eldisstöðvum á Suðurlandi, í Þorlákshöfn og í Grímsnesi. Þessi viðbót gefur möguleika á framleiðsluaukningu allt að 7.000 tonn.

Í dag er Arnarlax leiðandi fyrirtæki í fiskeldi á Íslandi. Fyrirtækið er að fullu lóðrétt samþætt með alla þætti virðiskeðjunnar á sinni hendi, þar með talið seiðaframleiðslu, eldi, vinnslu og sölu. Arnarlax teymið samanstendur nú af rúmlega 150 manns á öllum stigum virðiskeðjunnar á Bíldudal, Patreksfirði, Tálknafirði, Reykjavík, Þorlákshöfn og í Grímsnesi. Arnarlax hefur leyfi upp á 25.200 tonn af hámarks lífmassa og er með sláturgetu upp að 30.000 tonnum á ári. Sláturmagn Arnarlax nam 11.500 tonnum af laxi árið 2021 og er gert ráð fyrir verulegum vexti á komandi árum.



02 Um Arnarlax

Framlag Arnarlax til samfélagsins er með ýmsum hætti, meðal annars með greiðslu launa og tengdra gjalda, aðkeyptri þjónustu, vörukaupum, greiðslu fjármagnsgjalda, styrkjum, auk greiðslu skatta og gjalda til yfirvalda.


Í þessari skýrslu er starfssvæði Arnarlax skilgreint sem Vesturbyggð, Tálknafjarðarhreppur og Öflus. Meðalfjöldi starfsmanna Arnarlax var 137 á árinu 2021 og þar af voru 103 starfsmenn búsettir í Vesturbyggð og Tálknafjarðarhreppi eða um 75% starfsmanna. Samkvæmt upplýsingum frá Vinnumálastofnun var meðaltal áætlaðs vinnuafli í þessum sveitarfélögum um 765 á árinu 2021. Um 13% af áætluðu vinnuafli sveitarfélaganna tveggja starfaði hjá Arnarlaxi á árinu 2021. Að auki starfa margir íbúar við afleidd störf sem skapast hafa vegna reksturs Arnarlax.

Neðangreindar upplýsingar eru fengnar frá stjórnendum Arnarlax. Annars vegar miðast tölurnar við íslenskt samfélag í heild og hins vegar eru dregin fram verðmætasköpun á starfssvæði Arnarlax t.d. viðskipti við þjónustuaðila á starfssvæðinu.

Verðmætasköpun til samfélagsins millj. kr.

	2021		2020		2019	
	Ísland	Þar af á starfssvæði Arnarlax	Ísland	Þar af á starfssvæði Arnarlax	Ísland	Þar af á starfssvæði Arnarlax
Launakostnaður	1.542,6	1.297,0	1.496,6	1.213,6	1.262,7	1.137,6
Greiðslur til íslenskra þjónustuaðila	3.001,0	867,0	2.488,3	1.185,9	1.337,2	754,5
Vörukaup af íslenskum aðilum	360,0	65,2	293,0	90,4	819,0	46,6
Greiddir vextir í íslensku samfélagi	16,9		25,3		170,1	
Skattar og gjöld til yfirvalda	834,6	294,1	643,3	238,1	515,2	198,2
Mótframlög til lífeyrissjóða	163,8		142,8		129,1	
Skattar og gjöld alls	998,4		786,1		644,3	

Áætlað vinnuafli í Vesturbyggð og Tálknafjarðarhreppi 2021




■ Starfsmenn Arnarlax ■ Annað vinnuafli

03 Samantekt

Greiddir skattar og gjöld (m.kr.)	2021	2020	2019	2018
Tryggingagjald	103,9	80,8	75,1	63,9
Mótframlag í lífeyrissjóð	163,8	142,8	129,1	99,8
Gjöld í umhverfissjóð	80,0	86,5	45,7	39,9
Auðlindagjald	29,2	21	-	-
Aflagjöld	87,4	76,8	63,1	39,7
Önnur gjöld til hafnarsjóðs	21,3	29,4	15	6,3
Bein vörugjöld og tollar	13,2	9,7	12,5	9,2
Fasteignagjöld	7,1	4,9	5,2	4,9
Aðrir skattar og gjöld	14,9	13,1	16,8	9,3
	520,8	465	362,5	273
Innheimtir skattar				
Staðgreiðsla starfsmanna	467,2	315,6	275,9	218,7
Aðrir skattar starfsmanna	10,4	5,5	5,9	4,1
	477,6	321,1	281,8	222,8
Skattar og gjöld alls	998,4	786,1	644,3	495,8


Greiddir skattar og gjöld 2021
hlutfallsleg skipting




03 Samantekt

Skattar og gjöld Arnarlax til ríkis, sveitarfélaga og lífeyrissjóða námu samtals 998 millj. kr. Greiðslur til ríkis og sveitarfélaga voru 831 millj. kr. og hækkuðu um 22% milli áráanna 2020 og 2021. Hækkunin fólst m.a. í hækkun skatta og gjalda vegna launagreiðslna, hækkun á gjaldi í umhverfissjóð, hækkun auðlindagjaldi og aflagjöldum. Hlutfallsleg skipting milli ríkis og sveitarfélaga sýnir að hlutur ríkisins hækkar milli áráanna 2020 og 2021 og er 65% árið 2021 í stað 63% árið 2020.

Í sundurliðun hér hefur verið tekið tillit til hlutdeildar útsvars til sveitarfélga í staðgreiðslu skatta, sem innheimt er af ríkinu.



Skattar og gjöld til yfirvalda




04 Tekjuskattur

Tekjuskattur reiknast af hagnaði ársins. Fjárhæðin skiptist í tvennt, annars vegar skatt sem kemur til greiðslu á næsta ári og hins vegar frestaðan skatt sem greiðist seinna. Gildandi skattprósenta er 20%.

Hagnaður varð af rekstri Arnarlax en vegna uppsafnaðs taps síðustu ár greiðir Arnarlax ekki tekjuskatt fyrir starfsárið 2021.

Arnarlax hefur staðið í mikilli uppbyggingu og hefur lagt út fyrir miklum kostnaði vegna starfseminnar á undanförunum árum. Fyrirhugaðar eru áframhaldandi stækkanir og framleiðsluaukning, sem áætlað er að skili hagnaði þegar fram í sækir. Myndin hér að neðan sýnir hvernig slátrað magn af eigin fiski hefur aukist á árunum 2012 til 2021, en að auki slátrar félagið fyrir þriðja aðila. Félagið býst við að fullnýta sínar framleiðsluheimildir á næstu árum.

Slátrað magn á árunum 2012 til 2021 (mt.)



05 Skattar tengdir launagreiðslum

Meðalfjöldi starfsmanna á árinu 2021 hjá Arnarlaxi var um 137 starfsmenn en á árinu 2020 voru starfsmenn Arnarlax 119. Til viðbótar starfa verktakar fyrir Arnarlax við ýmis verkefni.


Auk þeirra beinu starfa í fiskeldi sem Arnarlax skapar, myndast líka afleidd störf í þjónustu og aukinni umsýslu. Sem dæmi um þau afleiddu störf sem skapast við fiskeldi má nefna þjónustustörf, störf við afurða- og fódurflutningar, eftirlitsstörf og margt fleira.

Af launum hvers starfsmanns reiknast skattar og opinber gjöld. Vinnuveitandi sér um að halda eftir staðgreiðslu af launum og svokölluðum launaafdrætti og skila til Ríkisskattstjóra. Staðgreiðsla af launum skiptist í tvennt: Annars vegar tekjuskatt einstaklinga sem rennur til ríkisins og hins vegar útsvar sem rennur til sveitarfélagsins þar sem starfsmaðurinn er búsettur.

Tryggingagjald er gjald sem rennur m.a. í atvinnuleysistryggingasjóð, fæðingar-orlofssjóð og til að fjármagna lífeyris- og slysatryggingar almannatrygginga.

Heildarlaunakostnaður Arnarlax nam 1.543 millj. kr. á árinu 2021 samanboreð við 1.497 millj. kr. árið 2020. Árið 2021 skilaði Arnarlax 467 millj. kr. í staðgreiðslu af launum starfsmanna sinna og greiddi 104 millj. kr. í tryggingagjald. Árið 2020 nam fjárhæð staðgreiðslu 316 millj. kr. og fjárhæð tryggingagjalds 81 millj. kr. Árið 2019 nam fjárhæð staðgreiðslu 276 millj. kr. og fjárhæð tryggingagjalds 75 millj. kr.

Skattar af launum starfsmanna



Skattar tengdir launagreiðslum námu 571 milljónum króna árið 2021, þar af 467 milljónir kr. í staðgreiðslu skatta og 104 milljón kr. í tryggingagjald. Hækkun milli ára nam 44%.

06 Mótframlag í lífeyrissjóði


Starfsmenn Arnarlax greiða lögum samkvæmt 4% iðgjald af launum sínum í lífeyrissjóði, auk þess sem þeir geta valið að greiða framlag í séreignasjóði. Arnarlax greiðir 11,5% mótframlag í lífeyrissjóði starfsmanna auk þess sem mótframlag er greitt á móti framlagi starfsmanna í séreignasjóði.

Um það bil 47% starfsmanna hafa valið að greiða í séreignasjóði á árinu 2021. Af þeim sem greiða í séreignasjóð hafa 68% valið að greiða 4% af launum en 32% greiða 2% af launum í séreignasjóði.

Fyrir Arnarlax starfa auk þess margir verktakar og sjá þeir sjálfir um að standa skil á greiðslum í lífeyrissjóði.

Heildargreiðslur sem mótframlag í lífeyrissjóði starfsmanna á árinu 2021 voru 164 millj. kr. samanborið við 143 millj. kr. á árinu 2020. Árið 2019 námu þær 129 millj. kr. og 100 millj. kr. vegna ársins 2018.

Mótframlag í lífeyrissjóði



Arnarlax greiðir 11,5% mótframlag af launum í lífeyrissjóð starfsmanna en einnig er greitt mótframlag á móti framlagi starfsmanna í séreignasjóði. Samtals námu framlög í lífeyrissjóði 164 millj. kr. á árinu 2021.

07 Gjöld til umhverfissjóðs


Umhverfissjóður sjókvíaeldis starfar á grundvelli laga nr. 71/2008, um fiskeldi, og er sjálfstæður sjóður í eigu ríkisins á forræði sjávarútvegs- og landbúnaðar-ráðherra. Markmið sjóðsins er að lágmarka umhverfisáhrif af völdum sjókvíaeldis.

Handhafar rekstrarleyfa til sjókvíaeldis greiða árgjald til sjóðsins og greiddi Arnarlax 80 millj. kr. til sjóðsins á árinu 2021 samanborið við 87 millj.kr. á árinu 2020, 46 millj. kr. á árinu 2019 og 40 millj. kr. á árinu 2018. Skattstofn er fast verð 20 SDR fyrir hvert tonn rekstrarleyfis.

Sjóðurinn sinnir hlutverki sínu m.a. með því að fjármagna verkefni, sem lúta að því að aðlaga fiskeldi hér á landi sem mest að þeim umhverfisskilyrðum sem fyrir hendi eru og lágmarka þannig umhverfisáhrif af völdum sjókvíaeldis. Sjóðurinn greiðir kostnað við rannsóknir vegna burðarþolsmats, sjálfbærni vöktunar fiskistofna og annarra verkefna sem stjórn sjóðsins ákveður.

Á árinu 2021 bauð sjóðurinn upp á styrki til 13 verkefna, fyrir allt að 190 milljónir króna. Arnarlax á aðild að tveimur þessara verkefna en þau lúta að skimun eftir lyfjaleyfum í botnseti undir fiskeldiskvíum og lúsasmiti og heilsufari villtra laxfiska. Styrkur sjóðsins vegna þessara tveggja verkefna nam allt að 11 milljónum króna.

Gjöld til Umhverfissjóðs sjókvíaeldis



Gjöld til umhverfissjóðs námu 80 millj. kr. á árinu 2021. Lækkun milli ára nam 8%.

08 Auðlindagjald

Lög nr. 89/2019 um töku gjalds vegna fiskeldis í sjó og fiskeldissjóð tóku gildi á árinu 2019 og var gjaldið lagt á vegna fisks sem slátrað var frá og með 1. janúar 2020. Skyldu til greiðslu gjalds vegna fiskeldis í sjó ber rekstrarleyfishafi fiskeldisstöðvar samkvæmt lögum um fiskeldi.

Fiskistofa skal ákvarða og birta fjárhæð gjaldsins í samræmi við viðmið sem sett eru í 2. gr. laga nr. 89/2019. Samkvæmt bráðabirgðaákvæði laganna nam fjárhæð gjaldsins 2/7 af reikningsstofni árið 2021 og mun nema 3/7 árið 2022, 4/7 árið 2023, 5/7 árið 2024, 6/7 árið 2025 og frá og með 2026 verður innheimt að fullu í samræmi við lögin.

Auðlindagjald Arnarlax nam 29 millj. kr. vegna ársins 2021 og mun hækka á næstum árum, en miðað við fullt gjald hefði það numið 102 millj. kr.

Fiskeldissjóður er sjálfstæður opinber sjóður og er ætlað að veita sveitarfélögum styrki til uppbyggingar innviða, þar sem fiskeldi í sjókvíum er stundað, og styrkja þar með samfélög og stoðir atvinnulífs á þeim svæðum.

Á árinu 2021 veitti sjóðurinn styrki til fimm verkefna alls að fjárhæð 105 millj. króna. Stærsta styrkinn, tæplega 43 millj. kr., hlaut Fjarðarbyggð vegna leikskólans Dalborg á Eskifirði. Tveir styrkir runnu til Vesturbyggðar, samtals tæplega 14 millj. kr., vegna verkefna á Bíldudal og Patrekfirði.

Til stendur að sjóðurinn úthluti 185 millj. kr. á árinu 2022.



Auðlindagjald vegna fiskeldis í sjó nam 29 millj. kr. vegna ársins 2021. Hækkun milli ára nam 38%.

09 Aðrir skattar/gjöld og styrkir

Aðflutningsgjöld

Meðal annarra skatta og gjalda sem Arnarlax greiðir til ríkisins eru aðflutningsgjöld sem fyrirtækið greiðir vegna aðkeyptra aðfanga erlendis frá. Þar er um að ræða tolla, vörugjöld og virðisaukaskatt af hinum ýmsu vörum sem greidd eru til ríkissjóðs, ýmist beint vegna eigin innflutnings en að stærstum hluta óbeint sem hluti af vöruverði til þriðja aðila.

Tollar og önnur gjöld sem greidd voru af eigin innfluttum vörum Arnarlax námu 9 millj. kr. á árinu 2021.

Olíu- og kolefnisgjald

Á árinu 2021 voru 179 millj. kr. gjaldfærðar vegna kaupa á olíu og bensíni, þar af 43 millj. kr. vegna véla og bíla. Hluti af þessari gjaldfærslu er vegna olíu- og kolefnisgjalds sem seljendur olíu og bensíns standa skil á til ríkissjóðs.

Olíugjaldið var 66 kr. pr. lítra á árinu 2021 en kolefnisgjaldið var 11,75 kr. pr. lítra. Olía til að nota á skip og báta er undanþegin olíugjaldi þegar í hana hefur verið bætt litar- og merkiefnum.

Styrkir

Arnarlax veitti ýmsa styrki til samfélagamála á árinu 2021 og námu þeir um 13,3 millj. kr. Þá er Arnarlax einnig aðili að samstarfi um almenningssamgöngur milli byggðarlaga á sunnaverðum Vestfjörðum og greiðir fyrir aðgang að íþróttahúsum í heimabyggð, sem starfsmenn Arnarlax og aðrir íbúar njóta góðs af. Greiðslur vegna samgangna og íþróttahúsum námu 13 millj. kr. á árinu 2021.



09 Aðrir skattar og gjöld

Ýmis gjöld til sveitarfélaga

Arnarlax er með megin starfsemi sína í Vesturbyggð og Tálknafirði, en á árinu 2021 fjárfesti Arnarlax í tveimur eldisstöðvum á Suðurlandi. Í tengslum við þessar starfsstöðvar greiðir Arnarlax ýmis gjöld sem renna til sveitarfélaganna.

Aflagjöld sem greidd voru á árinu 2021 námu rúmlega 87 millj. kr. samanborði við tæplega 77 millj. kr. árið 2020. Samhliða aukinni framleiðslu / umsvifum aukast greiðslur vegna aflagjalda.

Vörugjöld eru greidd til hafnarsjóðs af fóðri sem fer á land og námu gjöldin tæplega 4,3 millj. kr. á árinu 2021 samanborði við tæplega 4,9 millj. kr. á árinu 2020.


Önnur gjöld til hafnarsjóða, þar á meðal hafnargjöld og stöðuleyfi, námu rúmlega 21 millj. kr. á árinu 2021 samanborði við rúmlega 29 millj. kr. á árinu 2020.

Fasteignagjöld eru gjöld sem árlega eru lögð á allar fasteignir. Þau skiptast m.a. niður í fasteignaskatt, lóðaleigu, sorphirðugjald og gjald vegna endurvinnslu-stöðva. Gjaldið er hærra á atvinnuhúsnæði en á íbúðarhúsnæði.


Greidd fasteignagjöld ársins 2021 námu 7 millj. kr. samanborði við 5 millj. kr. á árinu 2020.

Arnarlax greiddi til sveitarfélaga 109 millj. kr. í ýmis gjöld á árinu 2021 samanborði við 118 millj. kr. á árinu 2020, þar af námu aflagjöld um 87 millj. kr. Mest var greitt til Vesturbyggðar á árinu 2021, eða 98 millj. kr.

Gjöld til sveitarfélaga



Sveitarfélög 2021



Ýmis gjöld til sveitafélaga námu 109 millj. kr. á árinu 2021 og lækkuðu um 7% milli ára.

10 Ýmsar vottanir

Umhverisvottun

Öll framleiðsla Arnarlax er ASC vottuð. ASC (Aquaculture Stewardship Council) er ein strangasta umhverfisvottun þegar kemur að fiskeldi og er þekkt og eftirsótt á krefjandi mörkuðum um allan heim.

ASC vottunarstaðallinn hefur verið próaður meðal annars af World Wildlife Fund (WWF) en til að fá vottun þurfa fyrirtækin meðal annars að lágmarka umhverfisáhrif og starfa í sátt við samfélag og starfsmenn fyrirtækisins.

Fyrirtæki sem standast ASC vottun skuldbinda sig til að lágmarka áhrif á umhverfi á ýmsa vegu. Taka þarf tillit til villtra laxfiskastofna, fugla, sjávarspendýra og annarra lífvera sem búa í námunda við eldissvæðin svo eitthvað sé nefnt.

Jafnlaunavottun

Arnarlax hefur hlotið jafnlaunavottun, en meginmarkmið vottunarinnar er að vinna gegn kynbundnum launamun og stuðla að jafnrétti kynjanna á vinnumarkaði. Vottunin byggist á jafnlaunastaðlinum ÍST 85:2012.

Matvælaöryggisvottun

Arnarlax fékk BRC (British Retail Consortium) matvælaöryggisvottun fyrir vinnsluna á Bíldudal á árinu 2021. Með vottuninni er staðfest að ferlar í vinnslu standast gæða- og matvælaöryggiskröfur á alþjóðlegum vettvangi.



